## 第十七回 黄貴保金殿對策 神宗皇御案考才

## 貴保回房收拾書籍琴劍,

謂朱能道:「兄暫寓此,待我面聖後再來相聚。」朱能道:「賢弟此番面聖,定必身榮。愚兄與你看守行囊,待弟實授何官,然後親送到貴衙就是。倘得激身,祈為雪冤。」貴保道:「這個自然,倘得繳幸,定必效力。」俄頃,何府家人隨帶一轎到店,相請貴保。貴保辭了建良、朱能上轎,直到兵部衙門。恭謁維柏。維柏下座見禮。茶罷,歷問行藏,貴保從頭細述。維柏十分嗟歎。相談未久,晚筵早備。兩人入席,暢飲高談。貴保對答風生,言辭博雅。維柏十分愛敬,說道:「足下有此高才,明日大廷面聖,務須大展鴻才,包管至尊,不次摺用。」貴保謙遜不當。席散,命家人引貴保入書房安歇。

到了五更,維柏命貴保換過新潔衣服相隨上朝,命貴保暫在朝門候旨聽復。淨鞭三響,朝臣鴿立,天子登極,群臣俯伏朝恭。恭畢各歸班肅立。神宗皇帝宣動綸音道:「眾卿有何本章當殿啟奏?」兵部何維柏出班奏道:「奉旨召黃貴保現在午門,請旨定奪。」神宗大喜,即命侍臣宣他上殿。貴保聞召,膝行至金階,舞蹈山呼,俯伏在地。神宗傳諭道:「朕曩晚微行遇卿,見卿高才欲破格摺用。今召卿到廷面試,爾其務展經綸。」即御筆親擬題目,限他對策三章。貴保領旨,跪在金階,手不停書,頃刻寫就三篇,交與內侍進呈神宗皇帝御覽。

## 第一題擬漢王拜大將軍後論將相大臣

定天下之大亂者,必待天下之將才。有天下之將才,必當付之以天下之大任。令項羽背約毒民,諸侯王效尤,天下煽動,寡人欲安之而未能。雖良平,無所施其智。今丞相何言治粟,都尉信國士無雙,足當大任。故擇日齋戒設壇,具禮拜為大將。

將責以覆楚下齊,平三秦燕趙魏而一天下,如反手也。夫駿馬逸群,孫陽乃識國。狗之疷,見獵乃噬。將相大臣,毋少信。

當思寡人,所以為信。屈者奉其教,令以濟乃公事。第二題擬漢高帝召故鄉父老遷新豐詔朕經營天下,不得常與父老游久矣。父老其無恙。朕常念之,而皇上之念父老尤甚。蓋桑梓故田,非富貴所能易。好人有同情也。而謂父老能忘我皇上哉!然安士重遷,父老徒有室遠之歎,朕甚悉焉。茲遣胡寬作新豐,田園室廬悉如故里,以體我父老庶乎!肯來以為我皇上歡,毋以疇昔,恃酒謾罵薄朕而有遐心,俾朕不能養志也。有司其備安車以迎毋昔故鄉子弟。

## 第三題擬曹孟德下所司修彌衡墓教

處士彌正平,俊才兀憂,非世所識。誠如父舉所謂一鶚也。

孤非不能容之,第欲容之諸侯,使天下知有此不羈之才,且自裁其狂耳。黃祖小人置之大僇,有負孤懷。茲聞其骨葬荒洲,當今 所司修治墓田,置守塚數家,毋滋宿莽,異日或過其下,孤將有只雞頭酒之奠,豈忍棄此塚中枯骨,而俾千金買駿,擅美於前哉!

神宗皇帝覽罷,大喜。御筆加上圈批,賜與閣臣同閱道:「卿等試看三篇,方知朕賞鑒不謬。科目中所取入股之士,那得有此古致,筆墨儼然西漢古文一樣,不獨才彷班馬,兼之字敵鐘王,可稱得做天朝人瑞了。」眾臣閱述俱十分歎賞,同奏道:「貴保天廷奇才,光輔陛下,伏乞格外褒封。」不知神宗准奏否,且看下回分解。

返回 >> 繡球緣 >>

上一篇 下一篇 本書來源:開放文學網站

